

Na osnovu člana 69. stav 2. tačka d), člana 70. stav 1, 4. i 6. Zakona o javnim nabavkama („Sl. glasnik BiH“, broj 39/14), direktor JU Institut za zdravlje i sigurnost hrane Zenica, donosi

### ODLUKU o poništenju postupka javne nabavke

#### Član 1.

Poništava se postupak javne nabavke usluga – Nabavka usluga servisiranja i rezervnih dijelova za laboratorijsku i medicinsku opremu **i to LOT 3.- GRUPA OPREME 3** u skladu sa članom 69. stav 2. tačka d), odnosno iz razloga što nijedna od primljenih ponuda nije prihvatljiva.

#### Član 2.

Ova odluka objavit će se na web-stranici ugovornog organa (www.inz.ba), u skladu sa članom 70. stav 6. Zakona o javnim nabavkama.

#### Član 3.

Ova odluka stupa na snagu danom donošenja.

#### Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-265/22 od 26.01.2022.godine. Postupak nabavke je proveden otvorenim postupkom za koji je objavljeno obavještenje o nabavci na Portalu javnih nabavki broj: 7126-1-2-11-3-28/22 dana 31.01.2022. godine.

Postupak nabavke provela je Komisija za javne nabavke imenovana Rješenjem broj: 02-266/22 od 26.01.2022. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je za LOT 3. ukupno pristigla 1 ponuda;
- da je blagovremeno zaprimljena jedna ponuda;
- da nije bilo neblagovremenih ponuda;
- da nije bilo ponuda koje su odbačene kao neuredne u skladu sa članom 68. ZJN BiH;

Na osnovu rezultata pregleda i ocjene ponuda Komisija je odbila ponudu ponuđača APICAL d.o.o. Sarajevo za LOT 3 jer ponuđač nije dostavio Izjavu da li je osoba na koju glase dostavljeni certifikati zaposlena kod ponuđača ili je angažovana, a pri tom nije dostavljen ni ugovor o saradnji tj. o angažovanju sklopljen između ponuđača i servisera. Također ponuđač je dostavio potpisan prijedlog Okvirnog sporazuma, ali je isti samoinicijativno izmijenjen od strane ponuđača i to u članu 2. i članu 6. na način da je ponuđač precrtavao propisane uslove, a hemiskom olovkom postavljao svoje uslove. Na taj način ponuđač je izmijenio originalni obavezni obrazac propisan Tenderskom dokumentacijom, zbog čega se ne može smatrati da je ponuđač ispunio uslov propisan tenderskom dokumentacijom, odnosno nije dostavio valjan potpisan prijedlog okvirnog sporazuma. Iz tog razloga je ponuda ponuđača APICAL d.o.o. Sarajevo odbačena kao neprihvatljiva.

Cijeneći odredbu člana 69. stav 2. tačka d) Zakona o javnim nabavkama Ugovorni organ je obavezan poništiti postupak javne nabavke u slučaju da nijedna od primljenih ponuda nije prihvatljiva. Kako je Komisija utvrdila da su sve pristigle ponude za ovaj LOT neprihvatljive ponude, odlučeno je kao u dispozitivu.

#### POUKA O PRAVNOM LIJEKU

Protiv ove odluke dozvoljena je žalba u roku od 10 dana od prijema Odluke.

Dostaviti:

1x APICAL d.o.o. Sarajevo

1x [www.inz.ba](http://www.inz.ba)



DIREKTOR

prim.dr.Senad Huseinagić

*[Handwritten signature]*